

沈乃文 主編

明別集叢刊 第三輯

第七十四冊

黃山書社



國家出版基金項目
NATIONAL PUBLISHING FOUNDATION

『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第七十四冊

黃山書社



(明)張采著

知畏堂文存十二卷詩存四卷

清康熙刻本

序



余年十五爲張南郭張西銘兩先生所知余屏跡未之見越三年西銘死余始哭其墓因以識南郭亡何世大亂先生遜而死後五年先生之子汝上死比者次子爾庚以先生所爲知畏堂集屬余序余諾之爾庚不待言死先生之學于應九乃復持以請余聽之流涕而先生之所存者此集也余其敢辭乎當先生少時與西銘先生讀書相繼以通經學古振興於世南北之士靡不從之皆交結以職願求於先生雖窮

絕學無不始我輩初讀先生遺集益自以名節時時爲高士持其說之里黨所爲說也夫此以黨爲黨之要務在辨時而辨邪正事變而事變而不窮事變而無定論者其言不足定也

言不少避於是鄉之人遂相率以爲怨其亂也及禍而幾死其初世以先生爲黨魁蜚語交加詔旨詰責者再四先生足以殺其身而不死卒至於亂以蹇蹇死嗟嗟標季之末而欲以此區區者倒驅逆挽之亦見其危矣雖然古人之所

以爲遁者論其事之所當爲而不以禍
福爲慮也東漢之衰時所目爲黨人者
始皆激揚忼慨以澄清爲已任其變遷
於殺身而不止當其時如陳寔韓滉
泰之流皆能委蛇異顧以自全於亂
而後之論者不以此三者爲得志之明

序五

哲遂以李范陳寶爲非揆之於遁而以
爲無過也夫人之生平至於死而論其
定二張先生與吳門徐楊兩先生亦時
之所謂黨人也其後西銘早世之黨人
者及於亂皆不苟以死而人可易言乎
哉先生之學率本西漢而要於簡質其

爲言也不支不濫斷斷然於是非可否
之介別白顯切使讀之者驟然以起若
猶見其鬚眉怒張批捫辨論時時寓於
言猶若此使先生而在也世不重有
乎先生之志欲行其道於天下而不得
而少効於鄉國尚能以其道使君子得

序四

以振揚其氣小人皆屏管絃息不敢出
自先生死而世方岌岌多故人盡容頭
歛足互爲選奕十餘年來人知士大夫
一無礪世磨俗之用相與熟視而嘻笑
口而唾而世或不察恣而張之小人之
焰益以煙爛雋灼不知所底使夫世之

潔身修行者亦將爲小人所跽藉而舉
無以自立世道之憂至此而極矣當斯
世也脫有如先生者起而振其衰庸或
少愈乎余故序其集爲之三太息而猶
想見其人也

康熙癸丑三月既望後學黃鼎堅書於

序

海寧之積慶堂



長堂文存總目

王世貞
金起鐸
方瑛
全校

卷之一

疏四首

書首

卷之二

序二十一首

卷之三

序十九首

知長堂集
文目

卷之四

壽序十七首

卷之五

題辭十首

卷之六

傳八首

卷之七

墓誌銘七首

墓表一首

碑銘二首

卷之八

行狀五首

卷之九

祭文七首

卷之十

啓一首

引二首

論二首

記二首

碑一首

銘一首

表三首

知長堂集
文目

卷之十一

說八首

卷之十二

雜文十五首

知畏堂詩存總目

于臨
男
于妻
全校

卷之一

四言古詩十五首

五言古詩六十首

七言古詩五首

卷之二

五言律詩九十八首

卷之三

七言律詩八十四首

卷之四

七言律詩三十五首

五言排律五首

七言排律一首

五言絕句三首

七言絕句九首

歌十二首

知畏堂集

詩目

知長堂文存卷一

太倉南郭張采著

具陳復社本末疏

原任江西撫州府臨川縣知縣告病回籍臣張采謹奏爲遵旨回話事。臣崇禎元年進士選授前職在官兩載以勞成疾告病歸家十餘年殘廢在床不能窺戶外。今十月中忽聞邸報有原任刑部侍郎某一本再陳神通廣大合謀構陷事奉聖旨云云欽此伏念某與臣姓名未通何故向息

知長堂集

文卷一

影之人彎弓虛發及見某原疏並無一字及臣則某固不知世間有臣矣合謀構陷臣可無辯惟復社一案責張溥及臣回奏惜溥已死臣謹齋沐陳之我朝制科取士因重時文凡選鄉會中式文曰程墨選進士文曰房書選舉人文曰行卷其諸生徵文彙選曰社彙從來已久若復社之起臣已爲縣令不預書生事張溥時猶未第故選社文以臣向同硯席代臣作序及溥成進士而臣已病廢矣豈意臣里中奸人私隙中傷有復社一款下蘇松

提學前學臣倪元珙曾經具覆奉旨再察既學

臣元璋以丁憂去張鳳翮以外轉去懸案未結事會致然罪不在溥與臣也乃夏五月初八日溥病身死惟臣僅生謂復社是臣事則出處年月不符謂復社非臣事則溥實臣至交生同砥礪死避羅弋負義圖全臣不出此竊惟文者昭代之所重社者古義所不廢推廣溥志不過欲措模文體羽翼經傳耳未嘗有一毫出位躍冶之思也至于或問及罪檄此忌溥者羅織虛無假名巧誣不難臣生

知長堂集

文卷一

者不聞亦溥死者不知若使徐懷丹果有其人臣願剖心與質倘其人烏有則事必誣構獨念溥日夜解經論史矢心報稱曾未一日服官懷忠入地卽今嚴綸之下并不得泣血自明良足哀悼臣雖與世隔越孤立杜門而兢兢勉學頗知省察不欲一字自欺豈敢一字欺皇上謹據實回奏臣無任戰兢待罪之至崇禎某年月日

請旌許琰疏

禮部儀制司主事臣張采謹奏爲章莽殉義懇錫殊典以振人心以維世風事痛念國家三月之變開闢未有先帝前此可以遷都而不遷當時可以出符而不出不惜聖體升遐以激勸天殺賊之憤而人心頑鈍平時既溺憂臣玩臨難復君死臣生於稽殉節僅范景文倪元璐等二十餘人他俱稽顙賊庭趨承偽職國郡古稱風著忠良乃自侍從以至候選凡屬在廷無非逆斯與十

知長堂集

文卷一

五

惡之不赦六等所不赦矣然而高皇三輔之地故澤所鍾義烈不泯有蘇州府吳縣學生員許琰者方五月初間先帝崩同勸幾絕題詩志死夜解帶自縊家人救得翌次日清晨復縊濟觀暗室自縊陸道士救復甦即趨投胥江波水處時路藩泊舟胥江見狀驚呼李內官率兵至援獲不死扶歸則編身書崇禎聖上四字宛轉哀號慘動閭里及聞京詔至遂斷粒食口占詩有一箇青生難殺賊願爲厲鬼効微忠何厯日空嘔繼以血

血盡喉腫舌吐餘寸積七日氣絕遠近感恫竊惟君臣名義原不分在朝在野琰以諸生家食身無事寄跡遠危亡特以天王聖明仇不共戴遂矢忠入地無爲而爲若得皇上易名特祀既使天下知聖天子表忠揚節不沒寒衿且使天下知十七年三月十九以後凡屬舍生皆應從死苟欲解免餘生庶幾枕戈泣血則旌一許琰而止下生死之分明將邪正治亂之幾定于中興實有裨補且聞琰少時割股療母孝稱無間蓋孝亦觀者忠子

知長堂集

文卷一

六

君故孝子事親無親疎而忠臣事君無貴賤琰死則縉紳從賊者罪莫赦受先帝特知高官顯爵而從賊者益罪莫赦即不從賊倖托舊籍泄泄秦越人視者亦罪莫赦臣與言及此并內婉于心惟求明旨特旌則感奮之下省率土之大倫與報主之天性各捐乃身以盡乃職誠不戰而氣自倍何有于滅賊雪耻哉崇禎十七年某月日

在禮言禮疏

禮部儀制司主事臣張永謹奏爲在禮言禮敬陳
官守以贊中興事臣聞國家之敗縣官邪也官之
失德寵賂章也自古貪夫貽害必至賣國賣主然
未有如今日之慘烈者草莽號呼僉謂賊仇罔極
在廷致賊之仇更罔極良非激論茲遇皇上聖
明作述四海方願望天日乃愚臣痛念時艱痛見
人心蔽錮廉耻盡亡法猶昔日之法漸至人仍昔
日之人如是而欲免昔日之禍以致治平難竟舜

知畏堂集

文卷一

七

不能臣不敢出位況言華就官守所及條其大者
謹齋沐具奏一曰清制舉竊惟考試者官選之始
文辭者贊進之階高皇帝聖謨洋洋設制舉以
三途並用設程文以八股明經三百年來名臣輩
出迨世風日下流競莫止臣幼時見囑託止郡邑
間及學臣則驚爲變事今且學臣強半竿牘孤寒
無幾至鄉試大典昨歲以輔臣私其子弟口語籍
籍國事敗壞智愚同慨若程文本稱制義律度森
密故可知言知人今後生詭怪意不難譏彈周孔

粉飾莽溫詞惟事駿績齊梁倒錯世代亡國之音

見諸筆墨而衡文無識既目迷莫辨又崇尚長篇

遂致字踰二千複陳誕衍夫以如此考試真才既

不得十之一復以如彼文詞即得真才於才一不

過聞本華士何怪乎通籍之後相隨僞底易曰天

地閉賢人隱今日之謂也屯之象曰君子以經綸

則惟皇上爲能以之伏求今後選舉學臣毋拘

資格仍集九卿科道會推必其大正身率物拒絕

情面者重以事權苟郡邑猶昧心賄賂請其不時

知畏堂集

文卷一

八

糾核程文則嚴禁冗濫諸不在聖經儒傳者多置
黜等如仍踵前弊立行懲警尤祈勅下臣部先定
教條使恪遵無敢庶表正影正無負於制舉程文
是望皇上經綸之爾一曰嚴學校從來民風本
於士習故建學教士所以養材善俗不謂廉耻道
喪器薄日滋今竊附高流者專經未通輒板行所
肄課號曰名士平日挾持長吏橫議是恣復干要
人牘往來他郡邑號曰遊客他郡邑有司自以簞
簞不飭畏其口語遂局事竊獄肆爲民害餘則拘

苟蠅營下同負販。甚至保舉大僚。阿斥佐貳。巡方稱弟呼兄。賢者息交絕跡。又何怪北邊賊至。皆生員先率趨迎。及先帝既崩。臣鄉處處鼎沸。皆生員先率唱亂。非安撫祁彪佳。百方弭戢。禍當其底。則圖中興克復。可不亟加之意。然起算有原。致化有漸。素不董以師儒。而驟責之士行。蓋誠難之。國家設學。臣持憲。教官分職。師儒非不森列。而醞釀若此者。有故。學臣地勢嚴隔。但能職要。若朝夕。廝廼。惟教官爲親。乃銓制聚取歲貢。間及就教舉人。

知長堂集

文卷一

九

夫舉人懷安。借徑等諸郵舍。歲貢多年。踰六十血氣既衰。尚安能章明三物。成人有造。臣愚以爲薦舉一途近奉嚴旨。禁絕四海方領。當陽離焰杜塞。倖門但儒學與州縣有辨。州縣黜陟以才美進者。難問其源流。儒學閒冷。以素履往者。易別其真偽。乞令每學不拘布衣生員。歲擇孝弟謹讓者一人。升諸學。臣學臣廉訪得實。貢諸禮部。然後徵集京師。皇上臨軒親策。下吏部量居籍銓補。相去無過五百里。使之倡道明倫。表經著史。三年稱職。

隨材陞轉。拔其尤者。置之國學。又稱職或列翰林。以經筵侍從。或珥臺省。以諫諍欽承。而方其爲教官時。又必重歐體貌。無得叩拜公庭。送迎憲節。卽學臣分有統屬。亦當如部司長揖。晉接優崇。蓋待以師道。彼將以師道律身。責以儒職。彼將以儒職盡分。其有不稱。并罪舉主。如此三年。旣典學有官。自譽髦丕應。若仍慮營求。則臣前言會推之學臣。果正身率物。其廉訪必無消亂。嗣以薦舉稱職之教官。其擇入必無苟且。經日窮則變。變則通。伏惟

知長堂集

文卷一

九

皇上勅下在廷。詳度臣愚屏息以俟。一日正人心。痛惟廉耻道喪。致人心陷溺。士大夫止知營身謀家。罔恤國是。遂白晝攫金。駭經靡極。先帝朝吏兵二部。懸價賣官。彼求官如買勢。必權量子母。文臣則取償民間。武臣則取償卒伍。安得不驅人作賊。先帝睿聰難掩。百方釐飭。無已則兼用保舉。換授未幾。保舉復有嘗價。適爲貪人開一孔。無已則復祖宗時積分法。未幾積分復有嘗價。又爲貪人開一孔。無已則委任中官。而害尤甚。蓋向

知畏堂集

文卷一

七

者。賤儒雖食。尚有內外節制。中官侍其與。其心
極意。莫可誰何。既士氣不伸。又培克亡算。故先
帝躊躇屢撤。無已。則設殿衛。而害遂不可言。蓋小
人惟財是視。初猶採訪一二。既則蜂穴乘間。通賄
造端。遂使太獄奇冤。上下側目。然此猶其小者。不
一二年。貪入生心。洛交通殿衛。聽其說事過錢。至
于與國俱盡。夫先帝夙夜懲食。而貪愈熾者。孔
子謂政刑則民免。而無刑。聽禮則有耻。且格入心
不正。而徒過流防。則易其能挽。不皇正位。中興

知畏堂集

文卷一

七

班行。詎敢乞寬禁網。但臣等官。雖以端本澄源
之論為。皇上恭陳者。每見權之所在。則利隨之
而重權。莫如用人。天下人之倖心。實視用人者為
進退。如漢任左雄。而察舉清平。魏任崔瑗。毛玠。而
吏道廉潔。誠獎恬抑。就端乃鑑。術則疏下。從風況
乎。輦轂然。統厥用人者。實維宰執。故記曰。大臣法
小臣廉。苟輔臣休休。有容。知大善。任則太卿。率屬
庶官。脩職內外。奮庸而太平。立憲。孰者賢相師師。
究圖王業。必能革去舊習。何庸。其心不正。皇土
固無容疑。其在廷臣等。亦無容過生猜慮。惟精白
自矢。與承休命而已。一日昭。聖德。臣讀書曰。德
日新。萬邦惟懷。詩曰。學有緝熙於光明。蓋言帝王
之學。以天下之否泰。剝復為消長。貴乎自強而不
息也。其間陰陽之分。不消即長。不長即消。幾甚微
渺。陽之類為中夏。為正人君子。為丈夫。陰之類為
盜賊。為。為朋黨。小人為婦寺。而總係乎人主
之一心。孔子說易於乾之九五曰。聖人作而萬物
覩。言陽當正中。而群陰退處坤初六之爻曰。履霜

堅冰至言微陰漸進慮之於早也。皇上踐九五之位從龍從虎陽類方亨然履霜之辨亦在斯時。蓋天以禍患開聖人原責以憂勞非享以逸豫竊意皇上當臣工對揚時當念仇不戴天卽備安易伸國耻侍聖母玉食時當念未盡萬方卽水陸不稱美味燕居痛陵寢之悲涼中夜傷民生之塗炭凡此在皇上一心者又清明爲陽燭蔽爲陰強固爲陽怠忽爲陰古聖王制事制心之功誠無之可間頃皇上屢勅正臣無憂樂費四海方

樂長堂集

文卷一

三

頌堯安土階禹卑宮室乃因宗社攸關大婚伊邇亦宜禮從其典文省其繁使天下知朝廷嘉止不妨過密則聖德直隆三代又先儒之言曰天下安危係宰相君德成否責經筵宰相職在用人臣前奏已具若經筵方定期舉舉無俟枝詞但敷奏明試原體用貫通祈并取宋臣真德秀大學衍義令講官詳解其中析理精微用意醇至天德王道實可齊治均平。皇上典學有素當已繇繹是編若再加溫故便悉舉而措之又詞臣供職固皆啓

心沃心臣愚謂賓師道重尤祈旁求篤恭勅卿貳以上會舉真儒實學宅心知訓者不問縉紳素士禮聘來廷如宋程頤之在元祐尹焞之在紹興朱熹之在淳熙不第引之說書抑且資其輔導或不可得則用臣前說選保舉學官爰列侍從要期老成端厚之人朝夕置諸左右必能時贊遠猷日陳正論則小往大來於斯爲盛更乞勅下詞臣取夏少康殷高宗周宣王漢光武晉元帝唐肅宗宋高宗歷代中興事實彙爲一書嘗備覽覽審其何以

知長堂集

文卷一

四

得何以失何以克復舊邦何以岌岌江左監觀不遠庶幾起助萬一臣恭遇皇上天縱聰明而所進皆歸懋勉極知失次但小臣媚茲不越隅見惟願時乘御天所其無逸則天下幸甚崇禎十七年
月日